

Na osnovu člana 17. Zakona o Vijeću ministara Bosne i Hercegovine («Službeni glasnik BiH», br. 30/03 i 42/03), Vijeće ministara Bosne i Hercegovine na 87. sjednici održanoj 21.07.2005.godine donijelo je

O D L U K U

o uspostavljanju, uslovima i načinu utvrđivanja kredita za završene obuke državnih službenika u institucijama Bosne i Hercegovine

Član 1.

(Predmet odluke)

(1) Ovom odlukom uspostavljaju se krediti za završene obuke državnih službenika u institucijama Bosne i Hercegovine (u daljem tekstu: državni službenik), uslovi i način određivanja, odnosno utvrđivanja tih kredita.

Član 2.

(Cilj i objašnjenje kredita)

(1) Cilj uspostavljanja kredita je sprovođenje zakona i stvaranje obaveza državnim službenicima da u toku kalendarske godine pohađaju i završe odgovarajuće obuke neophodne za njihovo stručno obrazovanje i usavršavanje.

(2) Kredit u smislu ove odluke je brojčana jedinica utvrđena po temama obuhvaćenim planom i programom određene obuke i istim se kvantificira obavezni program nastave, te u planu studija se predstavlja kao broj koji državni službenik polaznik seminara mora prikupiti u toku jednog seminara.

(3) Kredit se koristi za ocjenu uspješnosti državnog službenika polaznika seminara, koja se u svakom pojedinom slučaju dobije množenjem kredita sa ocjenom angažovanja i uspjeha na ispitu.

Član 3.

(Uslovi, visina i opravdanost za određivanje)

(1) Krediti se određuju za svaku obuku koju organizuje ili učestvuje u organizovanju Agencija za državnu službu (u daljem tekstu: Agencija) i/ili druga institucija Bosne i Hercegovine (u daljem tekstu: institucija).

(2) Visinu i opravdanost određivanja kredita iz stava 1. ovog člana utvrđuje Agencija u saglasnosti sa institucijom za čije državne službenike se organizuje obuka najkasnije 10 dana prije dana početka obuke.

(3) U slučaju da obuku organizuje druga institucija Bosne i Hercegovine ista je obavezna da u roku od 15 dana od dana početka obuke Agenciji dostavi relevantne podatke o vrsti, namjeni i obliku obuke, radi utvrđivanja broja kredita.

(4) Ukoliko se sumnja u kvalitet obuke iz stava 3. ovog člana Agencija u suradnji sa institucijom može obaviti reviziju prethodno utvrđenih kredita za tu obuku.

Član 4. **(Primjena kredita)**

Dodjeljeni krediti se koriste prilikom ocjenjivanja državnog službenika tako da svaka dva kredita daju jedan bod iz člana 10. tačka 2. Pravilnika o postupku ocjenjivanja i unapređivanja državnih službenika u institucijama Bosne i Hercegovine („Sl. glasnik BiH“, broj 17/04).

Član 5. **(Izvještavanje o broju kredita)**

(1) Agencija je obavezna najkasnije do 31.12. u toku svake godine, za prethodnu godinu, da objavi Listu obuka sa brojem kredita za svaku pojedinačnu obuku i dostaviti istu svim institucijama.

(2) Prilikom sačinjavanja Liste iz stava 1. ovog člana obavezno je posebno naznačiti koja je obuka organizovana za rukovodeće državne službenike.

Član 6. **(Obaveza sakupljanja kredita)**

Svi državni službenici u toku kalendarske godine dužni su da sakupe potreban broj kredita i to rukovodeći državni službenici najmanje 10 kredita, a ostali državni službenici najmanje osam kredita.

Član 7. **(Obaveze ponude kurseva za dodjelu kredita)**

Agencija i/ili institucije su obavezne da ponude u toku kalendarske godine dovoljan broj kurseva kako bi se ispunile obaveze iz ove odluke.

Član 8.

(Dostava Spiska polaznika i potvrde o broju kredita)

(1) Nakon završene obuke, a najkasnije u roku od pet dana od dana okončanja, institucija je dužna, ukoliko je organizovala ili učestvovala u organizovanosti obuke, da dostavi Agenciji Spisak uspješnih polaznika odnosno obuke.

(2) Agencija je dužna da najmanje jedan put godišnje, dostavi institucijama potvrdu o broju kredita za svakog državnog službenika posebno.

Član 9.

(Evidencija o dodjeli kredita)

Agencija vodi zvanično evidenciju o dodjeli kredita i to u elektronskom obliku i ažuriranu na službenoj internet stranici Agencije.

Član 10.

(Stupanje na snagu)

Ova odluka stupa na snagu danom donošenja, a objavit će se u «Službenom glasniku Bosne i Hercegovine».

VM broj:131/05

Predsjedavajući Vijeće ministara BiH

Adnan Terzić, s.r.

21.07.2005.godine
Sarajevo